



ATASSUT INATSIARTUNI

ATASSUT

UKA 2013/108-1

Gerhardt Petersen

01.10.2013

Aningaasarsiornikkut aalajaassuseq pillugu inatsisimmi atuuttumi nr. 1287-imi, 19. december 2012-imeersumi § 16-ip aallangortinneqarnissaa pillugu Inatsisartut aalajangiiffigisassaattut siunnersuut.

(Inuussutissarsiornermut Aatsitassaqaqarnermullu Naalakkersuisoq)

Aningaasarsiornikkut aalajaassuseq pillugu inatsisip § 16-iata allangortinneqarnerata Nunatsinni atuutilersinneqarnissaa pillugu Inatsisartut aalajangiiffigisassaattut siunnersuut ATASSUT-mit naatsukullanguamik oqaaseqarfigissavarput.

Aningaasarsiornikkut najummatsisimanartorsiornerup nalaani Naalagaaffiup Namminersorlutillu Oqartussat suleqatigiillutik aningaasaqarnerup patajaatsuunissaa pillugu inatsit matumani pineqartoq aqutigalugu aningaaseriviit Naalagaaffimmiittut ajutuulissagaluarpata iliuuseqalertorfigineqarnissaat siunertaralugu inatsit manna atuummat ATASSUT-mit assut iluarisimaarparput.

Taamatutaaq Finansielt Stabilitet A/S-mi siulersuisut pisariaqartitsineq malillugu amerlassusilerneqartarnissaannik, taamaalillutillu Siulersuisuni ilaasortat arfineq marluk tikillugit inuttaqarsinnaanissaaq siunertaralugu inatsimmik allannguiniarneq ATASSUT-mit taperserparput, inassutigissavarpullu siunnersuut taamatut isikkoqarluni akuersissutigineqassasoq.